

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

De tertio

[urn:nbn:de:bsz:31-126133](#)

Dominica XV. post Trinitatis.

agnoscamus eum talem, cum Davide dicentes: Tua est, Domine, magnificentia, & potentia, & gloria, atque victoria, & tibialis: cuncta enim, quæ in celo sunt, & in terra, tua sunt; tuum, Domine, Regnum, & tu es elevatus, super omnes Principes, 1. Paral. 29. v. 11. 12.

Sicut autem quodlibet Regnum peculiares suas constitutiones habet, ad quas subditi conformare se tenentur: ita etiam hic Rex leges suas habet, quas servari vult. Indicabo tibi & homo, quid sit bonum. Mich. 6. v. 8. justitia & judicium est basis solii ejus, Psal. 89. v. 15.

Qui igitur legitimus civis & subditus hujus Regni esse cupit, hanc regulam sequatur, necesse est, Gal. 6. v. 15. & ante omnium fidelis sit Regi suo, ut serviat ei, in decoro sancto, Psal. 110. v. 3. Vult enim populum, qui ad exemplum suum componat se, & sanctus sit, ut ipse sanctus est, Lev. 11. v. 44. & sanctimoniam sequatur, sine qua nemo videbit Dominum, Hebr. 12. v. 14. imo, ejusmodi populum, qui invocet & honorificet se, Psal. 50. v. 15.

Si quis in hoc mundo ad Regia Ministeria adhibetur, pro magna gloria id reputat, sicut & reapse est, hinc Regina Arabiae beatos depraedicat servos Salomonis, 1. Reg. 10. v. 8.

Quanto magis nos beati dicendi, quod Deus nos fecit populum suum, Psal. 100. v. 2. & per Christum redemit, Tit. 2. v. 14. ut serviamus ei in justitia & sanctitate coram ipso omnibus diebus vita nostræ, Luc. 1. v. 74. Haec Domino servire, regnare est, ait Bonaventura. Qui enim fidelis ipsi est usque ad mortem, dabit illi coronam vitæ, Apoc. 2. v. 10.

Fremant igitur gentes, & adstant Reges terræ, & consultent adversus Dominum & adversus Christum ejus, Psal. 2. l. 2. Hic Rex par ipsis erit resistendo, furor hominum est laus ejus, reliquiis furoris accinget se, Psal. 76. v. 11. ideo facile nos proteget, si confidamus ipsis adversus omnes injurias, & tandem salvos faciet in Regnum suum cœlestis, 2. Tim. 4. v. 18.

De Tertio.

R Estat Cautela, quæ tribus absolvitur Regalis, ut sunt

1. *Mammonismum detestari.* Ab hoc Christus ipse nos dehortatur, inquietus: Non potestis Deo servire & Mammonæ.

Hoc servitium non modò intelligatur, de crassa illa idolatria, quæ Romanis usitata fuit, qui ex argento peculiarem Deum fecerunt, cui templum consecravit, & divinum honorem exhibuerunt, ut Augustinus memorat: sed haec quoque Mammonæ servitus est, si aurum putet robur tuum, & obrizo dicas, fiducia mea, Job. 31. v. 24. aut divitias terrenas tanti facias, ut Deum propterea despicias, & mandata ejus negligas, quales multi inveniuntur,

1. *In Choro.* Tales sunt, qui implicant se negotiis secularibus, 2. Tim. 2. v. 4. & in avaritiam verbis fictis de auditoribus negotiantur, 2. Petr. 2. v. 3. dum prophanant Dominum propter pugillum hordei & fragmen panis, Ezech. 13. v. 19. vel plane vendunt, ut Judas, Matth. 26. v. 15.

Hic Mammonismus multas heres peperit, donec tandem aureus Papismus invaserit, ubi Maozim colitur auro & argento, & lapide pretioso, rebusque pretiosis, Dan. 11. v. 38. 39. Fugi-

Fugiant igitur verbi Praecones eundem, & paucant gregem Christi, non coacte, sed sponte, neque turpis lucrigratiā, sed voluntariē, 1. Petr. 5. v. 2. Verum namque manet, illud Poëtæ :

Pectora nostra duas non admittentia curas.

Ubi enim cura terrenorum invaleat, cura animæ abjicitur, ut tales evadant mercenarii, Johan. 10. v. 12. Hinc Siracides cap. 29. v. 25.

2. In Foro. Qui munera super innocentem accipiunt, Psal. 15. v. 5. & vim faciunt cause humilium, ut sint viduae præda eorum, & pupilos diripiant, Esa. 10. v. 2. sicut Achab Nabatho vineam vi eripiebat, 1. Reg. 20. v. 7. quo pertinent gravissimæ exactiones, quæ variis nominibus venditantur. Unde Deus causam habet querendi: Audite Principes Jacob, & Duces domus Israel, Mich. 3. v. 1. seqq.

3. In Toro. Ubi inveniuntur profligatae conscientiae homines, qui proximum per iniquas ulnas, mensuras & stateras dolosas defraudant, imminuunt mensuram, & augent solum, & supponunt stateras dolosas, ut possideant in argento egenos, & pauperes pro calceamentis, & quisquiliis frumenti vendunt, Amos 8. v. 6.

Pertinent huc fœneratores & usurarii, qui sub pretextu amicitiae proximos usurpis gravant, eorum bona ad se transferunt, & tandem ad stipem illos redigunt. Id enim furti species est, Deusque detestatur.

Quilibet proinde Mammonismum fugit, & disponat negotia sua in judicio, Psal. 112. v. 5. Nam lucrum in arcâ damnum in conscientia. Porius Christianus, quando à Sathan ipsi ostenduntur Regna mundi & glo-

ria ejus, dicat: Pecunia tua tecum sit in perditionem, Act. 8. v. 20. Quid enim proficit homini, si totum mundum lucraretur, & animæ jacturam faceret? Matth. 16. 26.

II. Librum nature contemplare. Eò Servatur nos relegat, inquiens: Respice volatilia cœli, quæ non ferunt, neq; metunt, neque congregant in horrea. Et iterum: Considerate lilia agri, quomodo crescunt.

Quodsi igitur in numero verorum Christianorum esse velimus, juxta librum Scripturæ, & librum Naturæ commendatum nobis habeamus, quod Regius Psalterus præclarè illuminat per Psalmum 104. totum, qui inspiciatur.

Idem in floribus & liliis agri videmus, quæ Deus tam eleganter exornat, ut hoc viridis illud flava, istud rubra, aliud cœrulea tunicâ indutum sit, aliud vatis colribus tam festivè distinctum, ut nullus pictor id imitari queat.

Quando itaque has & alias creaturas intuemur, & pulchritudinem earum admiramur, illum potius suspiciamus, qui omnium artifex est, Sap. 7. v. 21. tunc & perpendiculariter, quod Veteres dixerunt: Omnia propter hominē, homo propter Deum. Ex hac ipsa causa etenim Deus hominem poteret, nempe die sexto condidit, ut hoc ipso indicet ei: esse eum epitomen & complementum omnium creaturarū, & quasi quintam essentiam: sicut experientia satis probat, quod homo non illis, sed illæ homini inserviant propter iussum Creatoris.

Sol, Luna & Stellæ ipsi lumen præbent, siquidem Deus idem eos in firmamento posuit, ut dividant diem ac noctem, & sint in signa, & tempora, & dies & annos,

Ges.

Dominica XV. post Trinitatis.

432

Gen. i. v. 14. Aëris respirationi ejus infervit, sine quâ non vivere posset. Terra in commodum ejus producit plantas varias ad victum & amictum, volucres, pisces & bruta animalia cibum ipsi ministrant: Summa, nulla creatura nominari potest, quæ non adjumento sibi homini, sicut licet animalia venenatissima. Non est dicere; quid est hoc? aut quid est istud? Omnia enim in tempore suo querentur, Sir. 40. v. 26. Quodsi igitur omnes creature propter hominem creata sunt, homo hinc amorem Dei agnoscat, eique pro beneficiis ejus gratias agat; nulla etenim stellula in celo est, quæ nos non inclamat: Intuere me, & celebra Deum, qui me tui gratia ad ministerium tuum creavit. Nulla avicula in aere, nullum animaleculum in terra, nullus pisciculus in aqua est, quin idem nobis ingeminet.

Sicut igitur 1. Irrationales creature Creatori suo obsequium præstant, ubi Ministerio eorum indiget, Psal. 148. v. 7. Sir. 39. v. 33. Similiter id ipsum & nos præstemus, ne ruborem nobis incutiant, & conqueratur Deus, Esa. 1. v. 3. Jerem. 8. v. 7. 1. Sam. 15. v. 23.

Sicut 2. Creature irrationalis, imprimis volucres & flores, quorum hic Christus meminit, sorte sua contenti sunt, nec sibi invicem invident, licet flosculus alio, pulchrior sit, & avicula præstet altera: Sic & nos contenti simus præsentibus, Hebr. 13. v. 3, nec admitemur in operibus peccatorum: sed confidamus in Deo, manentes in loco nostro: facilè est enim in oculis Dei subito ditare pauperem, Sir. 11. v. 22.

3. Sicut Deus creature irrationalis in

vindictam contrâ nos adhibere potest: suntque anxiae, quod propter nos vanitati subjecta sint, Rom. 8. v. 20. Ita summo perè cayeamus, ne iiis abutamur, & gematum eorum excitemus: Alioqui lapis de pariete clamabit: & laquear ligneum respondebit, Hab. 3. v. 11. Sap. 5. v. 19.

Hoc si observaverimus, & creature irrationalis, aves & flores Magistros nobis proposuerimus in hac misericordiarum valle: aliquando ad plenam & perfectam cognitionem pertingemus, ubi neque libro Naturæ, neque libro Scripturæ indigebimus, sed omnes à Deo docti, cognoscemus Dominum, à minimo, usque ad maximum, Jer. 31. v. 34.

III. Regnum Dei sedare. Propterea ait Christus: Quærite primum Regnum Dei, & justitiam ejus, & haec omnia adjicentur vobis.

Filii hujus seculi non multum curant Regnum Dei: sed plenis buccis clament: O cives, cives, querenda pecunia primum,

Virtus post nummos!

Ideo querunt illi felicitatem suam:

1. In mundi gloria, ut Nabuchodonosor, qui dixit in corde suo: In celum consendam, luprà astra Dei exaltabo solium meum, Esa. 14. v. 13. Internum eorum, domus suas in æternum, & tabernacula sua à generatione in generationem, Psal. 49. v. 12. Verum vanissima vanitas & multa ambitio id est, Act. 25. v. 23.

2. In divitiarum copiâ. Hinc David ita homines qui sunt de mundo, describit, quod eorum pars, in vita sit: quod ventrem eorum impletat thesauro suo &c. Psal. 17. v. 14. Verum hæc felicitas citò eva-

Dominica XV. post Trinitatis.

433

evanescit: aurum & argentum æruginar,
Jac. 5. v. 3. & in calore solvetur, 2. Petr. 3.
v. 10. animam non saturabit, nec ventrem
implebit, Ezech. 7. v. 17. Quilibet videat,
ut in Deo ditescat. Quia non in abundan-
tia cujusquam vita ejus, ex his, quæ possi-
det, Luc. 12. v. 15.

3. In vita luxuria. Hinc Epicureorum
vox: Venite & fruamur bonis, quæ sunt,
& utamur creatura, tanquam in juventute
celeriter: quoniam hæc est pars nostra
& hæc est sors nostra, Sap. 2. v. 6. Utique
hæc pars & sors eorum. Regnum enim
Cælorum quod mundani in carnalibus
voluptatibus querunt, tandem ab inferno
absorbetur, qui dalatavit animam suam, &
aperuit os suum, absque ullo termino: &

descendent fortis ejus, & populus ejus, &
divites ac læti in eum, Isa. 5. v. 14.

Veri Christiani ante omnia Regnum
Dei querant, & justitiam ejus, Regnum
nimirum gratiæ, quod passim Regnum
cœlorum dicitur, Matth. 8. 19, 20. 12. à Pe-
tro vero regale Sacerdotium, 1. Petr. 2. v. 9.
sic à Regno gloriæ non excludentur, ubi
justi in perpetuum vivent, & apud Domi-
num est merces eorum, & cogitatio eorum
apud Altissimum. Ideo accipient Regnum
decoris, & diadema speciei, de manu Do-
mini, Sap. 5. v. 16. Hoc sufficit nobis, est
enim Καὶ τοῖς πιστῶς ἡμῶν, 1. Petr. 1.
vers. 9.

Id Deus omnibus nobis largiatur,
Amen.

DOMINICA XVI. POST TRINIT.

Evangelium Luc. 7. v. II -- 17.

EXORDIUM.

De junioribus Studiosis Hiero-
chuntis, Elisæi discipulis memo-
ratur, quod egressi sint ad colli-
gendas herbas agrestes, ut fa-
mem sedarent, in annonæ caritate, quæ in-
valuerat. Inveneruntque vitem sylvestrem,
& collegerunt ex ea colocynthidas agri,
quibus pulmentum adeò amarulentum
factum, ut non potuerint comedere.
Detulerunt ergo id ad Præceptorem su-
um, dicentes: O vir Dei, mors est in olla!
Misit ergo Elisæus farinam in ollam, &
statim ab amaritudine liberatum est, ut
cum voluptate pulmentum comederint,
2. Reg. 4. v. 39. seqq.

Allegoricè hoc ipso depingitur miseria,
in quam humanum genus per peccata in-
cidit, sicut & gratiosum auxilium, quod
cœlestis Elisæus Jesus Christus nobis præ-
stít. Verè enim Protoplasti nostrilapsu
suo id effecerunt, ut terra maledictione in-
fecta sit: & ubi ante fructus jucundissimos
protulit, qui hominem & corpore & ani-
ma refecerunt, ecce, jam vites sylvestres &
amaras colocynthidas producit, quæ non
aptæ sunt palato nostro: & quod maxi-
mum est, pulmentum nostrum tanto ama-
rore infectum est, ut morti, ejusque pro-
dromis variis morbis subjecti simus, juxta
rigorosam sententiam, quam Deus statim

iii

post